



謝宣城詩集卷第一

酬德賦并序



右衛沈侯以冠世偉才眷予以國士以建武二年予

將南牧見贈五言予時病既以不堪莅職又不獲復

詩四年予忝役朱方又致一首迫東偏寇亂良無暇

日其夏還京師且事讌言未遑篇章之思沈侯之麗

藻天逸固難以報章且欲申之賦頌得其盡體物之

旨詩不云乎無言不酬無德不報言既未敢為酬然

所報者寡于德耳故稱之爾德賦其辭曰

悲夫四游之代序六龍驚而不息輕蓋靡于駿奔玉
衡勞于拊翼嗟歲晏之尠歡曾陰默以悽惻玄武伏
於重介宛虹潛以自匿覽其物之用舍相羣芳之動
植弔悴軀於華省理衣簪而自救思披文而信道散
奮懣於胸臆嗟民生之知用知莫深於知己彼知己
之為深信懷之其何已牽弱葛之蔓延寄陵風於松
杞指曲蓬之直達固有憑於原泉彼排虛與蹠實又
相鳴於林沚興伐木於友生詠承筐於君子矧景行
之在斯方寄言于同恥求相仁于積習寓神心于名

舊抄作
樓側今
從刺本

理惟敦牂之旅歲實興齊之二六奉武運之方昌觀

興舊抄
作與今
泛刺本

休風之未淑龍樓儼而洞開梁邱煥其重複君奉筆

於帝儲我曳裾於皇穆藉風雲之化景申遊好於蘭

菊結德言而為佩帶芳猷而為服援雅範以自綏懿

前修之所昔仲宣之發穎實中郎之倒屣及士衡

所下舊
抄關

之籍甚託壯武之高義有杞梓之貞心協丹采之輝

被伊吾人之陋薄雖黼藻之何寘惟風雅之未變知

雲網之不廓譬曾棟之將傾必華榱之先落翳明離

以上賓屬傳體於織萼周二輝而分崩擠九鼎於重

壑雖魚鳥之欲安駭風川而迴薄微天道之布新嗟
員首其焉託予窘迹以多媿塊離尤而獨處君紆組
於名邦貽話言於洲渚悵分手於東津望徂舟而延
佇慮古今之爲隔豈山川之云阻賴先德之龍興奉
英靈之電舉事紫泥之密勿腰青緇而容與沾後惠
以謁來竟卒獲其笑語我艤舟以命徒將汨徂於南
夏既勗予以炯戒又引之以風雅若笙簧之在聽雖
舒憂而可假昔疢病於漳濱思繼歌而莫寫恩靈降
之未已奉京粉而作傳臨邦途之永陌懷余馬於騏

馬望平津而出宿登崇岡而興賦顧飛憶之南迴引
行鑣而東驅何瓌才之博侈申贈辭於萱樹指代匠
而切俚比治素而引喻方會毫而報章迫紛埃之東
驚釋末位以言歸忽乘駟以南赴連篇章之莫訓欲
寄言於徃句類鍛翻之難矯似洞源之不注意搔搔
以杼柚覓營也而馳驚爾腰戟於戎禁我拂劍於郎
闈願同車以日夜城望昏而掩扉時遊盤以未極睜
落景之徂輝若清顏之倏忽吝歡賞之多違排重關
而休告知南館之有依騫職門以右轉僕望路其如

歸忘清漏之不緩惜曉露之方晞聞夫君之東守地
隱蓄而懷僂登金華之問道得石室之名篇悟寰中
之迫脅欲輕舉而舍旃離寵辱於毀譽去天伐於腥
羶忽攜手以上征躋中皇之脩迥巾帝車之廣軼棹
河舟之輕艇歷星街之熠燿浮天潢之澠溟機九轉
於玉漿練七明於神鼎吹萬化而不喧度千春之可
並齊天地於倏忽安事人間之紆媿哉

思歸賦并序

夫鑒之積也無厚而納窮神之照心之徑也有域而

懷重淵之深余少而薄遊身防方思俄然萬里

晚自省諒非一塗何則此後

余菲薄以固陋受恩靈而不訾施鍾黃之沃若剖金

符之陸離舟未濟而河廣途方遙而馬疲忽中寢而

念厲魂申旦而九移昔受教於君子逢知己之隆眄

被名立之羽儀沾宦成之蒸絢羗服義而不怠豈臨

期而喻變勢方迅於轉圓理好旋於奔電援弱葛而

能升踐重岡而不眩信禔福之非已寧悔禍其如見

大明廓以高臨吹萬忻而同悅跨神臯之沃衍奉英

身下刻本
關一字思
下舊抄關
一字自下
舊抄關一
字

喻疑作
渝

藩之睿哲承比屋之隆化踵芳塵之餘烈懷齷齪之
褊心無夸毗之誕節竟伊鬱而不怡賴遐討於先哲
紛吾生之遊蕩彌一紀而歷茲自下車於江海涉青
春於是時睠崇芒而引領望大夏而長思雖曲街之
委陋猶寤寐而見之况神交而通夢眇河漢於佳期
爾乃眷言薄暮南眺悠然將整歸轡願受一廛考華
城之直陌相洛浦之廻阡連飛甍於故友接閑館以
懷僊臨南塲以藝藿寄北池而采蓮睇微莖之霍霍
望水葉之田田乃翦山木不日為功非輪非奩去斲
去礮夜索綯而繞繞旦乘屋而芟芟竹櫛躋區而經
北繩閉窈窕以臨東布茵蕭於踈棹織葢藪於迴櫳
于是籬插芳槿門拂長楊園桃春發窻竹夏涼晨露
晞而草馥微風起而樹香無芬菲以襲予空旖旎於
都房恒離居以歲月庸銷落而徒傷我聞時命有殖
無遷徵事或在求理未甄譬豐草之區別隨霜露而
天延背萱鮮於堂北尚幽幽而未捐苟外物以能惑
亦在應而無騫况朝霞之采可嚙瓊扉之飾方宣養
以虛白之氣悟以無生之篇豈加璧之贈可動執珪

之位能纏歸來薄暮聊以永年

七夕賦

奉護軍王命作

金祇司矩火曜方流素鍾登御夷律鳴秋朱光既夕
涼雲始浮盈多露之靄七升明月之悠悠步廣階而
延膝屬天媛之淹留嗟斯靈之淑景招好仇於服箱
邁姮娥而擢質凌瑤華而擅芳厭白玉以為飾霏丹
霞而為裳迴龍駕之容裔亂鳳篔之淒鏘騰燭光於
西極命二妃於瀟湘軾帝車而捐玦凌天津而上翔
悵漢渚之夕漲忻河廣之既梁臨瑤席而宴語綿含

睇而娥揚嗟蘭夜之難永泣會促而怨長忌織阿之

方駕吝長庚之末光撫鳴琴而脩悅浩安歌而自傷

悅舊抄作况

歌曰清絃愴兮桂觴酬雲幄靜兮香風浮龍鑣蹠兮

玉鸞整睇星河兮不可留分雙袂之一斷何四氣之

可周斯乃嚮像恍惚彷彿幽曖耳之無聞目之無績

故鍾鼓聞而延子隱白日沉而季后對豈形器之所

求亦理將其如昧君王壯思風飛冲情雲上願楚詩

而縱轡瞻蘭書而競爽實研精之多暇聊餘日之駘

蕩賦幽靈以去惑排視聽而玄往晒陽雲於荆夢賦

洛篇於陳想乃澄心而閑邪庶綢繆於茲賞

高松賦

奉司徒竟陵王教作

閱品物於幽記訪叢育於秘經巡汜林之珍望識斯
松之竅靈提於巖以群茂臨於水而宗生豈榆柳之
比性指冥椿而等齡若夫脩榦垂陰喬柯飛穎望肅
肅而既閑即微微而方靜懷風音而送聲當月露而
留影既芊眠於廣隰亦迢遰於孤嶺集九仙之羽儀
棲五鳳之光景固松木之為選貫山川而自永爾乃
青春受謝雲物含明江臯綠草曖然已平絲弱葉而

凝照競新蒸而抽英陵翠山而如翦施懸蘿而共輕
至於星迴窮紀沙鴈相飛同雲映其無色陽光沉而
減暉卷風颯之吸歛積霰雪之嚴霏豈彫貞於歲暮
不受令於霜威若乃體同器制質兼上才夏書稱其
岱畎周篇咏其徂徠乃屈己以弘用構大壯於雲臺
幸為玩於君子留神心而顧懷君王乃徙讌蘭室解
珮明榭塞幽蘭於夕陰詠簞榦於琴朝陵高丘以致
思御風景而逍遙夷黻冕之隆貴懷汾陽之寂寥邈
道勝於千禩蘊神理而自超夫江海之為大實涓澮

之所歸瞻衡恒之峻極不讓壤於塵微嗟孤陋之無
取幸聞道於清徽理弱羽於九萬愧不能分奮飛

杜若賦

奉隨王教作時季
二十六於坐獻

憑瑤圃而宣游臨水木而延佇柳含色於遠岵泉鏡
流於枉渚蔭綠竹以淹留藉幽蘭而容與覽茲榮之
悅茂紛為芳於清籟觀夫結根擢色發曜垂英綠春
巒以織布蔭涼潭而影清景奕奕以四照枝靡也而
葉傾冒霜蹊以獨蒨當春郊而逕平蹇汀洲以企予
懷石泉於幽情嗟中巘之織草厠金芝於芳叢夕舒

榮於溽露旦發彩於春風承羲陽之光景庶無悲於
轉蓬

野鷺賦

并序

有門人斃一野鷺因以為獻予時命以登俎用待賓
客客有愛其羽毛請予為賦其詞曰

夫何羅人之伎巧薦江海之逸禽落摩天之迅羽絕
歸飛之好音碎文錦之丹臆裂雕綺之翠衿孤雛驚
以靡翼羈雌叫而莫尋越滄流以遠致乃交賀以兼
金因闍寺以傳請排邃戶以重深貴敷衽以取愛願

登俎以甘心

遊後園賦

奉隨王
教作

積芳兮選木幽蘭兮翠竹上蕪蕪以蔭景下田田兮
被谷左蕙畹兮彌望右芝原兮寫目山霞起而削成
水積明以經復於是敞風閨之藹上聳雲館之茗茗
周步欄以升降對玉堂之沈寥追夏德之方暮望秋
清之始飈藉宴私而遊行時晤語而逍遙爾乃日棲
榆柳霞照夕陽孤蟬以散去鳥成行惠氣湛兮帷殿
肅清陰起兮池館涼陳象設兮以玉瑱粉蘭藉兮咀

桂漿仰微塵兮美無度奉英軌兮式如璋藉高文兮
清談預含毫兮握芳則觀海兮為富乃游聖兮知方

臨楚江賦

爰自山南薄暮江潭滔滔積水裊裊霜嵐憂與憂兮
竟無際客之行兮歲已嚴爾乃雲沉四岫風蕩中川
馳波鬱素駭浪浮天明沙宿莽石路相懸於是霧隱
行鴈霜眇虛林迢迢落景萬里生陰冽攢笳兮極浦
弭蘭鷁兮江潯奉玉樽之未暮飡勝之芳音願
光兮秋月庶永照於遺簪

擬宋玉風賦奉司徒

教作

起日域而搖落集桂宮而送清開翠帳之影藹響行
珮之輕鳴揚淮南之妙舞發齊后之妍聲下鴻池而
蓮散上雀一作爵臺而雲生至於新虹明歲高月照秋
眸儀迺豫冲想雲浮鄒馬之賓咸至申穆之醴已酬
朝後登樓之詠夕引小山之謳厭朱邱之沉邃思輕
舉而遠游驕驕之馬魚躍飄鑿車而水流此乃宋玉
之盛風也若夫子雲寂寞叔夜高張煙霞潤色荃蕙舊抄無若字
結芳出礪幽而泉冽入山戶而松涼眇神王於丘壑

獨超遠於孤觴斯則幽人之風也

雩祭歌

建武二年明堂辭

抄本每章提行起下同

清明暢禮樂新龍候景選貞辰陽律亢陰啓伏耗下
土荐種稷宸儀警王度宣瞻雲漠望旻天張盛樂奏
雲儻集五精延帝祖雩有諷崇有秩秬鬯芬圭瓚齊書樂府集
靈之來帝闡開車煜燿吹徘徊停龍轍徧觀此凍雨
飛祥雲靡壇可臨奠可歆對昞祉鑒皇心

右迎神歌八章章四句三言

濬哲維祖長發其武帝出自震重光御寓七德攸宣

九疇咸叙靜難荆衡凝威蠡浦昧旦丕承夕惕刑政
化一車書德馨染盛昭星夜景非雲曉慶衢室成陰
璧水如鏡禮充玉帛樂被匏絃於鑠在詠陟配于天
自宮徂兆靡愛牲牲我將我享永祚豐年

右世祖武皇帝歌三章章八句句四言

營翼日鳥宵殷凝冰泮玄蟄昭景陽陽風習習女夷
歌東皇集奠春酒秉青珪命田祖渥群黎

右青帝歌三章章四句句三言

惟此夏德德恢台兩龍在御炎精來火景方中南譎

秩靡草云黃含桃實族雲翦鬱温風煽興雨祁祁黍
苗遍

右赤帝歌三章章二句句七言

稟火自高明毓金挺劉克涼燠資成化群方載厚德
陽季勾萌達炎徂溽暑融商暮百工止歲極凌陰冲
泉流䟽已清原隰遠而一作甸已平咸言祚惟億敦民保
高京

右黃帝歌三章章四句句五言

帝說于兌執矩固司歲百川收潦精景應金方嘉樹

離披榆關命賓鳥夜月如霜金風方嫋嫋商陰肅殺
萬寶咸亦道勞哉望歲塲功異可收

右白帝歌三章章二句句九言

白日短玄夜深招搖轉移太陰霜鐘鳴冥陵起星迴
天月窮紀聽嚴風來不息望玄雲黝無色曾冰裂積
羽幽飛雪至天山側關梁閉方不巡合國吹饗蜡賓
統微陽究終始百禮洽萬祚臻

右黑帝歌三章章四句句六言

敬如在禮將周神之駕不少留躍龍鑣轉金蓋紛上

馳雲之外警七曜詔八神排閭闔渡天津有滄興膚
寸積雨冥冥又終夕俾棲糧維萬箱皇情暢景命昌
右送神歌五章章四句句三言

四言詩

侍宴華光殿曲水奉敕為皇太子作

旁求邃古逖聽鴻名大寶曰位得一為貞朱緝叶祉
綠字摘英升配同貫進讓殊聲

大橫將屬會昌已命國步中阻宸居膺慶璽劍先傳
龜玉增映宗堯有緒復禹無競

禮行郊社人神受職寶效山川鱗羽變色玄塞北靡
丹徼南極浮毳駕風飛一作非泳登一作非陟

能官民秀利建天跼枵鷄列野營降分區論思帝則
獻納宸樞麟趾方一作公定鷲翼誰濡

西京藹藹東都濟濟秋祓濯流春禊浮醴初吉云獻
上除方啟昔駕陽頻一作頽今帳雲陞

嘉樂舊矣芳晏在斯載留神矚有睟天儀龍精已映
威仰未移葉依黃鳥花落春池

高殿弘敞禁林稠密青嶝崛起丹樓間出翠葆隨風
金戈動日惆悵清管徘徊輕佾

霸漑入筵河淇流昨海若一作媧谷來往觴肴汭沂歡飲
終日一作有終清光欲暮輕貂一作豹回道華組徐步一作道一作首

登賢博望獻一作載賦清漳漢貳稱敏魏兩垂芳監撫
有則七鬯無方瞻言守噐永媿元良

三日侍華光殿曲水宴代人應詔
羣分未辯類聚茲式天睟休明且求至德御繁實簡

制動惟默官府百王衣裳萬國
中葉遭閔副內多違悠七靈貺爰有適歸於昭睿后

撫運天飛凝居中縣神動外畿

縣象著明離光乃位我有儲德徽猷淵脩長壽察書
龍樓迴轡重道上庠行遵儒肆

朝陽有幹布葉萋々思皇威矣鷓羽高棲出馳先輅
入秉介珪瞻秦望井建魯分奎

求賢每勞得士方逸有覺斯順無文咸秩萬箱惟重
百鏗載卹屈草戎諛階奠紀日

文教已肅武節既馳榮光可照合璧如規載懷姑射
尚想瑤池濯龍乃飾天淵在斯

作樂順動實符時義上春初吉亦留淵寄紅樹巖舒

青莎水被雕梁虹拖雲甍鳥跂

作莎一蘊

高縣甲帳周褰黼帷長筵列陞激水旋墀浮醪聚蟻

靈蔡呈姿河宗躍踢海介夔跼

弱腕纖腰遷延妙舞秦箏趙瑟殷勤促柱降席連綏
稱觴接武誓首萬年獻茲多祐

天地既成泉流既清薄暮沾幸屬奉文明將標齊配
刺掃秦京願馳龍漠飲馬縣旌

三日侍宴曲水代人應詔

神理內寂機象外融遺情汾水垂冕鴻宮樹以司牧
匪我求蒙徒勤日用誰契玄功

契舊抄
作器

往晦必明來碩資塞於皇克聖時乘御辯寶曆載暉
瑤光重踐昭昭舊物熙熙遷善

當宁日昃求衣未明抵壁焚翠銷劍墮城九疇式序
三辟再清虞箴罔闕矇奏傳聲

麗景則春儀方在震重聖積厚金式瓊潤天爵必諧
王臣咸蓋譬諸華霍惟邦之鎮

正朔葱瀚冠冕邛越爭長明堂相趨魏闕龜象南薦

環裘西發巢閣易窺馴庭難戒

上已惟昔于彼袂流祓穢河澣張樂春疇既停龍駕
亦泛鳧舟靈宮備矣無待茲遊

初鷲命曉朝霞一作華開夜飾陸蕩源迴伊流灞極望

天淵曲阻諺謝閑館巖敞長廊水架

金觴搖蕩玉俎推移筵浮水豹席擾雲螭寥亮琴瑟
嗷吽塤篴歡茲廣讌穆是天儀

周道如砥康衢載直徒媿玄黃負恩無力華輶徒駕
長纓未飾相彼失晨寧忘鼓翼

謝宣城詩集卷第一

謝宣城詩集卷第二

鼓吹曲

元會曲

二儀啟昌曆三陽應慶期
珪贄紛成序鯤譯憬來思
分階絕組練充庭羅翠旗
觴流白日下吹溢景雲滋

溢執文
作謚

天儀穆藻殿萬宇壽皇基

郊祀曲

六宗裡配嶽五時奠甘泉
整蹕遊九闕清簫開八埏
鎗七玉鑾動溶七金陣旋
均宮光已屬注音升柴禮既

虔福響雲之集南嶽固斯年

鈞天曲

高宴顥天臺置酒迎風觀笙鏞禮百神鍾石動雲漢
瑤池寶瑟驚綺席舞衣散紫鳳來參差玄鶴至凌亂池菽文作臺
已慶明庭樂誰想南風彈

右三曲頌帝功

入朝曲

江南佳麗地金陵帝王州逶迤帶淶水迢遞起朱樓
飛甍夾馳道垂楊蔭御溝凝笳翼高蓋疊鼓送華輶

獻納雲臺表功名良可收

出藩曲

雲枝紫微內分組承明阿飛艤遡極浦旌節去關河
眇眇蒼山色沉沉寒水波鏡音巴渝曲簫鼓盛唐歌
夫君邁惟德江漢仰清和

校獵曲

凝霜冬十月殺盛涼飈開原澤曠千里騰騎紛往來
平置望煙合烈火從風迴殪獸華容浦張樂荆山臺
虞人昔有喻明哲時或哉

右三曲頌藩德

從戎曲

選旅辭輶轅弭節趨河源
日起霜戈照風迴連旗翻
紅塵朝夜合黃沙萬里昏
嘹唳清笳轉蕭條邊馬煩
自勉輟耕願征役去何言

送遠曲

北梁辭歡宴南浦送佳人
方衢控龍馬平路騁朱輪
瑤筵妙舞絕桂席羽觴陳
白雲丘陵遠山川時未因
一為清吹激潺湲傷別巾

登山曲

天明開秀萼瀾光媚碧堤
風盪翻鸞亂雲行芳樹低
暮春春服美遊駕凌丹梯
升嶠既小魯登巒且悵齊
王孫尚遊行蕙草芳萋萋

泛水曲

玉露沾翠葉金風鳴素枝
罷遊平樂苑泛鷁昆明池
旌旗散容裔簫鼓吹參差
日晚厭遵渚採菱贈清漪
百年如流水寸心寧共知

右四曲闕三字

同沈右率諸公賦鼓吹曲名先成爲次

芳樹

沈右率約

發萼九華嶼開跼露寒側氛氲非一香參差多異色
宿昔寒飈舉摧殘不可識霜雪交橫至對之長歎息

當對酒

范通直雲

對酒心自足故人來共持方悅羅衿解誰念髮成絲

徇性良爲達求名本自欺迨君當歌日及我傾樽時

性舊抄
作往今
泛樂府

臨高臺

眺時爲隨王文學

千里常思歸登臺瞻綺翼纔見孤鳥還未辨連山極

瞻執文
作臨

四面動清風朝夜起寒色誰識一作倦遊者嗟此故

鄉憶

巫山高

王尹丞融

仿像巫山高薄暮陽臺曲煙華乍舒卷行芳時斷續
彼美如可期寤言紛在矚憮然坐相望秋風下庭綠

有所思

劉中書繪

別離安可再而我更重之佳人不相見明月空在帷
共銜滿堂酌獨斂向隅眉中心亂如雲寧知有所思

同前再賦

芳樹

眺

早翫華池陰復鼓滄洲柅椅杞芳若斯歲蕤紛可結

霜下桂枝銷怨與飛蓬折不厠玉盤滋誰憐終萎絕

同前

融

相望早春日煙花雜如霧復此佳麗人含姿結芳樹

綺羅已自情萱風多有趣去來徘徊者佳人不可遇

臨高臺

約

高臺不可望望遠使人愁連山無斷絕河水復悠悠

所思曖何在洛陽南陌頭可望不可至何用解人憂

有所思

融

如何有所思而無相見時夙昔夢顏色階庭尋履綦

高歌更何已引滿終自期一作持欲知憂能老為視鏡

中絲

巫山高

繪

高唐與巫山參差鬱相望灼爍在雲間氛氲出霞上

散雨收夕臺行雲卷晨帳出沒不易期嬋娟似惆悵

同前

雲

巫山高不極白日隱光暉遙遙朝雲出冥冥暮雨歸

巖縣獸無迹林暗鳥疑飛枕席竟誰薦相望空依依

抄作無獸迹

同賦雜曲名

陽春曲

檀秀才

青雲獻初歲白日映雕梁蘭萌猶自短菰菜未能長
已見花紅落復聞花蘂香樂此試遊行誰知心獨傷

淶水曲

江朝請

塘上蒲欲齊汀洲杜將歇春心既易蕩春流豈難越
桂棹及晚風菱影映初月芳草若可贈為君步羅襪

採菱曲

陶功曹

朝日映蘭澤乘風入桂嶼棹歌已流倡輕舟復容與
勿遽佳期移方追明月侶採採詎盈匊還望空延佇

秋竹曲

朏時為宣城守

嬈娟綺窻北結根未參差從風既裊裊映日頗離離
欲求棗下吹別有江南枝但能凌白雪貞心蔭曲池

白雪曲

朱孝廉

凝雲沒霄漢從風飛且散連翩下幽谷徘徊依井幹
既興楚客謠亦動周王歎所恨輕寒質不迨春歸旦

永明樂

第一

帝圖潤九有皇風浮四溟永明一為樂咸池無復靈

第二

民和禮樂富世清歌頌徽鴻名軼卷領稱首邁垂衣

第三

朱臺鬱相望青槐紛馳道秋雲湛甘露春風散芝草

第四

龍樓日月照淄館風雲清儲光温似玉藩度式如瓊

第五

化洽鯁海君恩變龍庭長西北驚環裘東南盡龜象

第六

出車長洲苑選旅朝夕川絡々結雲騎奕奕泛戈船

第七

燕駟遊京洛趙服麗有暉清歌留上客妙舞送將歸

第八

實相薄五禮妙化開六塵明祥已玉燭寶瑞亦金輪

第九

生茂芊蘿性身與佳惠隆飛纓入華殿屣步出重宮

第十

彩鳳鳴朝陽玄鶴舞清商瑞此永明曲千載金為皇

玉階怨

夕殿下珠簾流螢飛復息長夜縫羅衣思君此何極

金谷聚

渠碗送佳人玉栢要上客車馬一東西別後思今夕

王孫遊

綠艸蔓如絲雜樹紅英發無論君不歸君歸芳已歇

銅爵悲

落日高城上餘光入總帷深松晚寧知琴瑟悲

江上曲

易陽春草出踟躕日已暮蓮葉向田田淇水不可度

願子淹桂舟時同千里路千里既相許桂舟復容與

許舊抄作託

江上可採菱清歌共南楚

曲池之水

緩步遵莓渚披襟待蕙風芙蓉舞輕蒂包筍出芳叢

浮雲自西北江海思無窮鳥去能傳響見我綠琴中

綠琴一

作測琴

同謝諮議詠銅爵臺

總帷飄井幹
樽酒若平生
鬱々西陵樹
詎聞歌吹聲
芳襟染淚迹
嬋娟空復情
玉座猶窈漠
况乃妾身輕

謝宣城詩集卷第二

謝宣城詩集卷第三

將發石頭上烽火樓

徘徊戀京邑
躑躅躡曾阿
陵高墀闕近
眺迴風雲多
荆吳阻山岫
江海合瀾波
歸飛無羽翼
其如別離何

答王世子

飛雪天山來
飄聚繩樞外
蒼雲暗九重
北風吹萬籟
有酒招親朋
思與清顏會
熊席惟爾安
羔裘豈吾帶
公子不垂堂
誰肯憐蕭艾

答張齊興

荆山從百里漢廣流無極北馳星啓正南望朝雲色
川隰同幽快冠冕異今昔子肅兩歧功我滯三冬職
誰知京洛念髣髴昆山側向夕登城壕潛池隱復直
地迴聞遙蟬天長望歸翼清文忽景麗思泉紛寶飾
勿言脩路阻勉子康衢力曾厓寂且寥歸軫逝言陟

酬王晉安

稍稍枝早勁塗塗露晚晞南中榮橘柚寧知鴻鴈飛
拂霧朝青閣日旰坐彤闈悵望一途阻參差百慮依
春草秋更綠公子未西歸誰能久京洛淄塵染素衣

暫使下都夜發新林至京邑贈西府同僚

大江流日夜客心悲未央徒念關山近終知返路長
秋河曙耿耿寒渚夜蒼蒼引領見京室宮雉正相望
金波麗鳩鵲玉繩低建章驅車鼎門外思見昭丘陽
馳暉不可接何況隔兩鄉風雲有鳥路江漢限無梁

雲抄本
作煙

始出尚書省

惟昔逢休明十載朝雲陛既通金闥籍復酌瓊筵醴
宸景厭昭臨昏風淪縉體紛虹亂朝日濁河穢清濟

防口猶寬政餐茶更如薺英袞暢人謀文明固天啟
青精翼紫軟黃旗映朱邸還覩司隸章復見東都禮
中區咸已泰輕生諒昭洒趨事辭宮闕載筆陪旌檠
邑里向踈蕪寒流自清泚衰柳尚沉沉凝露方泥泥
零落悲友朋歡娛燕兄弟既秉丹石心寧流素絲涕
因此得蕭散垂竿深澗底

直中書省

紫殿肅陰陰彤庭赫弘敞風動萬年枝日華承露掌
玲瓏結綺錢深沉映朱網紅藥當堦翻蒼苔依砌上

茲言翔鳳池鳴珮多清響信美非吾室中園思偃仰
朋情以鬱陶春物方駘蕩安得凌風翰聊恣山泉賞
觀朝雨

朔風吹飛雨蕭條江上來既灑百常觀復集九成臺
空濛如薄霧散漫似輕埃平明振衣坐重門猶未開
耳目暫無擾懷古信悠哉戢翼希驥首乘流畏曝鱉
動息無兼遂歧路多徘徊方同戰勝者去翦北山萊

新亭渚別范零陵雲

洞庭張樂地瀟湘帝子遊雲去蒼梧野水還江漢流

停驂我悵望輟棹子夷猶廣平聽方籍茂陵將見求
心事俱已矣江上徒離憂

之宣城郡出新林浦向板橋

江路西南永歸流東北驚天際識歸舟雲中辨江樹
旅思倦搖搖孤遊昔已屢既歡懷祿情復協滄洲趣
囂塵自茲隔賞心於此遇雖無玄豹姿終隱南山霧

始之宣城郡

下帷闕章句高談愧名理踈散謝公卿蕭條依掾史
簪髮逢嘉惠教義承君子心迹苦未并憂歡將十祀

幸沾雲雨慶方轡參多士振鷺徒追飛群龍難隸齒
烹鮮止貪競共治屬庶恥伊余曠損益何用祇千里
解劔北宮朝息駕南川涘寧希廣平詠聊慕華陰市
棄置宛洛遊多謝金門裏招招漾輕楫行行趨巖趾
江海雖未從山林於此始

宣城郡內登望

借問下車日匪直望舒圓寒城一以眺平楚正蒼然
山積陵陽阻溪流春穀泉威紆詎遙甸巉岫帶遠天
切切陰風暮桑柘起寒煙悵望心已極惆恍覓屢遷

結髮倦為旅平生早事邊誰規鼎食盛寧要狐白鮮
方棄汝南諾言稅遼東田

冬日晚郡事隙

案牘時閒暇偶坐觀卉木颯颯滿池荷脩脩蔭窓竹
簷隙自周流房櫳閑且肅蒼翠望寒山崢嶸瞰平陸
已惕慕歸心復傷千里目風霜旦夕甚蕙草無芬馥
云誰美笙簧孰是厭邁軸願言追逸駕臨潭餌秋菊

後齋迴望

高軒瞰四野臨牖眺襟帶望山白雲裡望水平原外

夏木轉成帷秋荷漸如蓋輦洛常睜然搖心似縣旆

落日悵望

昧旦多紛喧日晏未遑舍落日餘清陰高枕東窓下
寒槐漸如束秋菊行當把借問此何時涼風懷朔馬
已傷慕歸客復思離居者情嗜幸非多案牘偏為寘
既乏琅邪政方憩洛陽社

望三湖

積水照頰霞高臺望歸翼平原周遠近連汀見紆直
歲蕤向春秀芸黃共秋色薄暮傷哉人嬋媛復何極

遊山

託養因支離乘閑遂疲蹇語默良未尋得喪云誰辨
幸狃山水都復值清冬緬凌岷必千仞尋谿將萬轉
堅崿既峻嶒迴流復宛澶杳杳雲竇深淵淵石溜淺
傍眺鬱篔簹還望森栴檀荒隩被歲莎崩壁帶苔蘚
鼯狖叫層巖鷗鳧戲沙衍觸賞聊自觀即趣咸已展
經目惜所遇前路欣方踐無言蕙草歇留垣芳可搴
尚子時未歸邴生思自免求志昔所欽勝迹今能選
寄言賞心客得性良為善

賽敬亭山廟喜雨

夕帳懷椒糈蠲景潔膾薌登秋雖未獻望歲佇年祥
潭淵深可厲狹斜車未方蒙籠度絕限出沒見林堂
秉玉朝羣帝樽桂迎東皇排雲接虬蓋蔽日下霓裳
會舞紛瑤席安歌繞鳳梁百味芬綺帳四座沾羽觴
福被延岷澤樂極思故鄉登山騁歸望原雨晦茫茫
胡寧昧千里解珮拂山莊

祀敬亭山廟

翦削兼太華崢嶸跨玄圃貝闕眡阿宮薜帷陰網戶

阿疑作河

參差時未來徘徊望澧浦椒醑若馨香無絕傳終古
遊敬亭山

茲山亘百里合沓與雲齊隱淪既已託靈異居然棲
上千蔽白日下屬帶迴谿交藤荒且蔓樛枝聳復低
獨鶴方朝唳飢鼯此夜啼泄雲已漫漫夕雨亦淒淒
我行雖紆組兼得尋幽蹊緣源殊未極歸徑窅如迷
要欲追竒趣即此陵丹梯皇恩竟已矣茲理庶無睽

賦貧民田

假遇

一作佳譽

非將迎靖共

一作靜拱

延殊慶中歲歷三臺旬

禮當作理

月典邦政會

一作曾

是共治

一作怡

情敢忘卹貧病將無

富教禮孰有知方性敦本抑工商均業省兼并察壤

見泉脉覬星視農正黍稷緣高殖穡

一作稞

稌即卑盛

舊埒新塍分青苗白水映遙樹匝清陰連山周遠淨
即此風雲佳孤觴聊可命既微三載道庶藉兩歧詠
俾爾倉廩實余從谷口鄭

與江水曹至濱干戲

山中上芳月故人清樽賞遠山翠百重迴流映千丈
花枝聚如雪蕪絲散猶網別後能相思何嗟異封壤

送江水曹還遠館

高館臨荒途清川帶長陌上有流思人懷舊望歸客
塘邊草雜紅樹際花猶白日暮有重城何由盡離席
送江兵曹檀主簿朱孝廉還上國

方舟泛春渚攜手趨上京安知慕歸客詎億山中情
香風藥上發好鳥葉間鳴揮袂送君已獨此夜琴聲

臨溪送別

悵望南浦時徙倚北梁步葉下涼風初日隱輕霞暮
荒城迴易陰秋溪廣難渡沫泣豈徒然君子行多露

將遊湘水尋句溪

既從陵陽釣桂鱗驂赤螭方尋桂水原謁帝蒼山垂
辰哉且未會乘景弄清漪瑟汨瀉長淀潺湲赴兩歧
輕蘋上靡靡雜石下離離寒草分花映戲鮪乘空移
興以暮秋月清霜落素枝魚鳥余方翫纓綉君自縻
及茲暢懷抱山川長若斯

忝役湘州與宣城吏民別

弱齡俸簪履薄晚忝華輿閑沃盡地區山泉諧所好
幸遇昌化穆惇一作淳俗罕驚暴四時從偃息三省無

侵冒下車遽暄席紆紱始黔竈榮辱未遑敷德禮何
由導汨徂奉南岳兼秩典邦號疲馬方云驅鉛刀安
可操遺惠良寂寞恩靈亦匪報桂水日悠悠結言幸
相勞吐納貽爾和窮通勗所蹈

休沐重還丹陽道中

薄遊第從告思閑願罷歸還叩歌賦似休汝車騎非
灞池不可別伊川難重違汀葭稍靡靡江茨復依依
田鵠遠相叫沙鶉忽爭飛林端楚山見雲表吳岫微
試與征徒望鄉淚盡沾衣賴此盈樽酌含景望芳菲

抄作雲
端林表

問我勞何事霑沐仰清徽志狹輕軒冕思甚戀閨闈
歲華春有酒初服偃郊扉

移病還園示親屬

疲策倦人世歛性就幽蓬停琴佇涼月滅燭聽歸鴻
涼薰乘暮晰秋華臨夜空葉低知露密岨斷識雲重
折荷葺寒袂開鏡眇衰容海暮騰清氣河關秘棲冲
煙衡時未歇芝澗去相從

出下館

麥候始清和涼雨銷炎燠紅蓮搖弱荇丹藤繞新竹

物色盈懷抱方駕娛耳目零落既留何用存華屋

遊東田

戚戚苦無悰携手共行樂尋雲陟累榭隨山望菌閣
遠樹曖阡阡生煙紛漠漠魚戲新荷動鳥散餘花落
不對芳春酒還望青山郭

秋夜講解

四緣去誰聲七識習未央沉沉一作淵淵倒營魄苦蔭感
愁腸琴瑟徒爛熳姱容空滿堂春顏遽幾日秋龍終
茫茫孰云濟沉溺假願託津梁惠唱擣泉湧妙演發

金相空有定無執賓實固兩忘自來乘首夏及此申

暮霜雲物清晨景衣巾引夕涼風振蕉蘂裂霜下梧

楸傷一作露下六龍且無借三相寧久長何時接靈

應及子同舟航

秋夜

秋夜促織鳴南鄰搗衣急思君隔九重夜夜空佇立
北窻輕幔垂西戶月光入何知白露下坐視階前濕
誰能長分居秋盡冬復及

春思

茹溪發春水
阡山起朝日
蘭色望已同
萍際轉如一
巢燕聲上下
黃鳥弄儔匹
邊郊阻遊行
故人盈契濶
夢寐藉假簧
思歸賴倚瑟
幽念漸鬱陶
山楹永為室

治宅

結宇夕陰街
荒途橫九曲
迢遞南川陽
迤邐西山足
闢館臨秋風
敞窓望寒旭
風碎池中荷
霜翦江南菜
既無東都金
且稅東臯粟

冬緒羈懷示蕭詔議虞田曹劉江二常侍

去國懷丘園
入遠滯城闕
寒燈耿宵夢
清鏡悲曉髮

風草不留霜
冰池共如月
寂寞此閑帷
琴樽任所對

客念坐嬋媛
年華稍菴蔓
夙慕雲澤遊
共奉荆臺績

一作一聽春鶯喧
再視秋虹沒
疲驂良易返
思思
續抄作

波不可越
誰慕臨淄鼎
常希茂陵渴
依隱幸自從
求心果蕪昧
方軫歸歟願
故山芝未歇

懷故人

芳洲有杜若
可以贈佳期
望望忽超遠
何由見所思
我行未千里
山川已間之
離居方歲月
故人不在茲
清風動簾夜
孤月照窓時
安得同携手
酌酒賦新詩

夜聽伎二首

瓊闥釗響聞瑤席芳塵滿要取洛陽人共命江南管
情多舞態遲意傾歌弄緩知君密見親寸心傳玉盃
上客光四座佳麗直千金挂釵報纓絕墮珥答琴心
蛾眉已共笑清香復入衿歡樂夜方靜翠帳垂沉沉

京路夜發

擾擾整夜裝肅肅戎徂兩曉星正寥落晨光復泱泱
猶沾餘露團稍見朝霞上故鄉邈已夏山川脩且廣
文奏方盈前懷人去心賞敕躬每跼躅瞻恩惟震蕩
行矣倦路長無由稅歸鞅

晚登三山還望京邑

霸涘望長安河陽視京縣白日麗飛甍參差皆可見
餘霞散成綺澄江靜如練喧鳥覆春洲雜英滿芳甸
去矣方滯淫懷哉罷歡宴佳期悵何許淚下如流霰
有情知望鄉誰能鬢不變

高齋視事

餘雪映青山寒霧開白日曖曖江村見離離海樹出
披衣就清盥憑軒方秉筆列俎歸單味連駕止容膝

空為大國憂紛詭諒非一安得掃蓬逕銷吾愁與疾

郡內高齋閑望答呂法曹呂僧珍為齊王法曹

結構何迢遠曠望極高深窓中列遠岫庭際俯喬林
日出衆鳥散山暝孤猿吟已有池上酌復此風中琴
非君美無度孰為勞寸心惠而能好我問以瑤華音

若遺金門步見就此山岑此一作玉

謝宣城詩集卷第三

謝宣城詩集卷第四

直石頭

蕭衍

率土皆王土安知全高尚東壟弃黍稷西遊入卿相
屬逢利建始投分參末將尺一功未施河山賞已諒
攝官因時暇曳裾聊起望鬱盤地勢遠參差百雉壯
翠壁絳霄際丹樓青霞上夕池出濠渚朝雲生疊嶂
籠鳥易為恩屠羊無飾讓泰階端且平海水本無浪
小臣何日歸頓轡從閑放

和蕭中庶直石頭

九河亘積岨三峻鬱旁眺皇州摠地德回江款巖徼
井幹絕蒼林雲夢蔽層嶠川霞旦上薄山光晚餘照
翔集亂歸飛虹蜺紛引曜君子奉神略瞰迴馮重峭
彈冠已籍甚升車益英妙功存漢冊書榮並周庭燎
汲疾移偃息董園倚談咲麾旆一悠悠謙姿光且劭
讌嘉多暇日興文起淵調曰余廁鱗羽滅影從漁釣
澤渥資投文逢迎典待詔詠沼邈含毫專城空坐嘯
徒慚皇鑒揆終延曲士諄方追隱淪訣偶解金丹要
若偶巫咸招帝閭良可叫

經劉瓛墓下

隨郡王蕭子隆

升堂子不謬問道余未窮如何辭白日千載隔音通
山門一已絕長夜緬難終初松切暮鳥新楊摧曉風
榛關向蕪密泉途轉銷空

登山望雷居士精舍同沈右衛過劉先生墓

下作并序

竟陵王蕭子良

沛國劉子珪學優來仕跡邇心遐履信體仁古之遺
德潛舟迅景滅賞淪輝言念芳猷式懷嗟述屬舍弟
隨郡有示來篇彌縝久要之情益深宿草之歎升望

西山率爾為答雖因事雷生實申悲劉子云爾

漢陵淹館蕪晉彌洙風缺五都聲論空三河文義絕

彌執文作珍

奉和

虞炎

下帷聞昔儒窺園信且逸聚學叢烟郊栖道事環華
戢景謝歸年稅駕空悠日庭露已沾衣松門向蕭瑟
憫憫神念周依依惠言密

奉和

柳惲

西河窈高業北海望清塵曾徽誰與寄尚德在伊人
遺文重昭晰絕緒復紛綸露華白朝日蘭生無久春
芳猷動淵思撫軼履高辰山風起寒木野雀亂秋榛
壟草時易宿素軌邈難遵

奉和

沈約

表間欽逸軌軼墓禮貞魂化途終眇默神理曖猶存
塵經未輟幌高衡已委門日蕪子雲舍徒望董生園
華陰無遺市楚席有靈樽玄泉倘能慰長夜且勿論

奉和竟陵王同沈右率過劉先生墓

嘉樹因枝條琢玉良可寶若人陵曲臺垂帷茂淵道
善誘宗學原鳴鍾霽幽抱仁鳥徂宛洛清徽夜何早
歲晚結松陰平原亂秋草不有至言揚終滯西山老
離夜

玉繩隱高樹斜漢耿層臺離堂華燭盡別幌清琴哀
翻潮尚知恨客思眇難裁山川不可夢况及一作故
人杯

同前

江丞

石泉行可照蘭杜向含風離歌上春日芳思徒以空
情遽曉雲發心在夕河終幽琴一罷調清醕誰復同

同前

王常侍

月沒高樓曉雲起扶桑時燭筵暖無色行住憫相悲
當軒已凝念况乃清江湄懷人忽千里誰緩鬢組絲
餞謝文學
沈右率

漠池水如帶巫山雲似蓋
滸汨背吳潮潺湲橫楚瀨
一望沮漳水寧思江海會
以我徑寸心從君千里外

同前

虞別駕

差池燕始飛幕歷草初輝
離人悵東顧遊子去西歸

清潮已駕渚溽露復沾衣一乖當春聚方掩故園扉

同前

范通直

陽臺霧初解夢渚冰裁綠遠山隱不見平沙斷還續
分弦饒苦音別唱多悽曲爾拂後車塵我事東皋粟

同前

王中書

所知共歌笑誰忍別笑歌離軒思黃鳥分渚夢清莎
翻情結遠旆灑淚與煙波春江夜明月還望情如何

抄作歌
吹今後
古文苑
煙古文
苑作行

同前

蕭記室

執手無還顧別渚有西東荆吳渺何際煙波千里通

春篁方解籜弱柳向尚一作低風相思將安寄悵望南

飛鴻

同前

劉中書

汀洲千里芳朝雲萬里色悠然在天隅之子去安極
春潭無與窺秋臺共誰陟不見一佳人徒望西飛翼

萬里當
作萬重

和別沈右率諸君

春夜別清樽江潭復為客嘆息東流水如何故鄉陌
重樹日芬葢芳洲轉如積望望荆臺下歸夢一作相
思夕

卧疾叙意

王秀之

貞悔不少期福極固難豫疾藥雖一途遂以千百慮
 景仄念徂齡帶緩每危曙循躬雖一作既已茲况復歲
 將暮層冰日夜多飛雲密如霧歸鴻互斷絕宿鳥莫
 能去輟我丘中瑟良田一嗟故隱淪迹有違宰官功田近刻
 未樹何用攬余情恨恨此故路豈言勞者歌且曰幽
 人賦

和王長史卧病

岬岫款崇崔崖派別朝洪河兔園文雅盛章臺冠盖多

淵襟眷睿岳變贊動眩歌顧影慚駢服載筆旅江沱
 縞衣紛可獻琴言暖一作暖已一作和青皋向還色春潤視
 生波巖垂變好鳥松上改陳蘿日與歲眇邈歸恨積
一作限蹉跎願緝吳山杜寧袂楚池荷清風豈孤劭功杜抄作社
 遂懷曾阿勿藥良有暢荏苒芳未過幸留清樽味言
 藉故田莎

行園

沈約

寒瓜方卧壟秋菰亦滿陂紫茄紛爛熳綠芋鬱參差
 初菘向堪把時韭日離離高梨有繁實何減萬年枝

荒渠集野鴈安用昆明池

和沈祭酒行園

清淮左長薄荒徑隱高蓬回潮旦夕上寒渠左右通
霜畦紛綺錯秋町鬱蒙茸環梨縣已紫珠榴柝且紅
君有棲心地伊我歡既同何用甘泉側玉樹望青葱

北戍琅邪城

江孝嗣

驅馬一連翩日下情不息芳樹似佳人惆悵余何極薄
暮苦羈愁終朝傷旅食丈夫許人世安得顧心臆按
劍勿復言誰能耕與織

和江丞北戍琅邪城

春城麗白日阿閣跨層樓滄江忽渺渺驅馬復悠悠
京洛多塵霧淮濟未安流豈不思撫劍惜哉無輕舟
夫君良自勉歲暮勿淹留

昧旦出新亭渚

徐勉

驅車凌早術山華映初日攬轡且徘徊復值清江謐
杳藹楓樹林參差黃鳥匹氣物宛如斯重以心期逸
春堤一遊衍終朝意殊悉

和徐都曹出新亭渚

宛洛佳遊春色滿皇州結軫青郊路迴瞰滄江流
日華川上動風光草際浮桃李成蹊徑桑榆蔭道周
東都已倣載言歸望綠疇

入琵琶峽望積布磯

劉繪

江上信多美此地竄為神以茲峰石麗重在芳樹春
照爛虹蜺雜交錯錦繡陳差池若燕羽削劣似龍鱗
却瞻了非向前觀復已新翠微上虧景清莎下拂津
巉巖如剌削可望不可親昔途首遐路未獲究清塵
誓將返初服歲暮請為鄰

向蕪文
作面

和

昔余侍君子歷此遊荆漢山川隔舊賞朋僚多雨散
圖南矯風翮曾非息短翰移疾靚新篇披衣起淵翫
惆悵懷昔踐彷彿得殊觀頽紫共彬駁雲錦相凌亂
奔星上未窮驚雷下將半回潮清崩樹輪囷輒傾岸
巖篠或傍翻石筍無脩幹澄澄明浦媚衍衍清風爛
江潭良在目懷賢興累歎歲暮不我期淹留絕巖畔

媚抄本
作湄

在郡卧病呈沈尚書

淮揚股肱守高卧猶在茲况復南山曲何異幽棲時

連陰盛農節，臺笠聚東菑。高閣常晝掩，荒堦少諍辭。
珍簟清夏室，輕扇動涼颼。嘉魴聊可薦，綠蟻方獨持。
夏李沉朱實，秋藕折輕絲。良辰竟何許，夙昔夢佳期。
坐嘯徒可積，為邦歲已暮。絃歌終莫取，撫机一作枕今自嗤。

答謝宣城

沈約

王喬飛鳧鳥，東方金馬門。從宦非宦侶，避世不避喧。
揆余發皇鑒，短翮屢飛翻。晨趨朝建禮，晚沐卧郊園。
賓至下塵榻，憂來命綠樽。昔賢侔時雨，今守馥蘭蓀。
神交疲夢寐，路遠隔思存。牽拙謬東汜，浮惰反西崑。
顧循良菲薄，何以儷瓊璠。將隨渤澥去，刷羽汎清源。

和何議曹郊遊二首

春心澹容與，挾弋步中林。朝光映紅萼，微風吹好音。
好垂得清賞，山際果幽尋。未嘗遠別離，知此愜歸心。
流沂終靡已，嗟行方至今。
江皋倦遊客，薄暮懷歸者。揚舲浮大川，惆悵至日下。
霍靡青莎被，潺湲石溜瀉。寄語持笙簧，舒憂願自假。
歸途豈難涉，翻同江上夏。

和劉西曹望海臺

滄波不可望望極與天平
往往孤山映處處春雲生
差池遠鴈沒颯沓羣鳥驚
囂塵及簿領棄捨出重城
臨川徒可羨結網庶時營

和王中丞聞琴

涼風吹月露圓景動清陰
蕙氣入懷抱聞君此夜琴
蕭瑟滿林聽輕鳴響澗音
無為澹容與蹉跎江海心
和伏武昌登孫權故城

炎靈遺劍璽當塗駭龍戰
聖期缺中壤霸功興寓縣

鵲起登吳山鳳翔陵楚甸
襟帶窮巘險帷帶盡謀選

北拒溺驂鑣西戡一作龕
收組練江海既無波俯仰流

英眇裘冕類禋郊卜揆崇
離殿鈞臺臨講閱樊山開

廣讌文物共歲蕤聲明且
葱蒨三光厭分景書軌欲

同薦參差卽祀忽窅冥市
朝變舞館識餘基歌梁想

遺轉轉一作轉故林衰木平
荒池秋草遍雄圖悵若茲茂

宰深遐睠幽客滯江皋從
賞乖纓弁清卮阻獻爵良

書限聞見幸藉芳音多承
風采餘絢于役倘有期鄂

渚同遊衍

夏始和劉孱陵

威仰弛蒼郊龍曜表皇隰春色卷遙甸炎光麗近邑
白蘋望已騁緗荷紛可襲徒願尺波旋終憐寸景戢
對窓斜日過洞幌鮮飈入浮雲去欲窮暮鳥飛相及
柔翰縝芳塵清源非易揖迴江難絕濟云誰暢佇立
良宰勗夜漁出入事朝汲績羽余既裳更賦子盈粒
倚梧何必零歸來共棲集

和宋記室省中

落日飛鳥還憂來不可極行樹澄遠陰雲霞成異色
懷歸欲乘電瞻言思解翼清揚婉禁居秘此文墨職
無歎阻琴樽相從伊水側

和王著作融八公山

二別阻漢坻雙嶠望河澳茲嶺復嶺岼分區奠淮服
東限瑯瑯臺西距孟諸陸阡眠起雜樹檀欒蔭脩竹
日隱澗疑空雲聚岫如複出沒眺樓雉遠近送春日
戎州昔亂華素景淪伊穀阡危賴宗袞微管寄明牧
長虵固能翦奔鯨自此暴蒲卜切道峻芳塵流業遙年
運儵平生仰令圖于嗟命不淑浩蕩別親知聯翩戎

征軸再遠館娃宮兩去河陽谷風煙四時犯霜露一作雨
朝夜沐春秀良已凋秋塲庶能築

和王主簿季哲怨情

掖庭聘絕國長門失歡宴相逢詠靡蕪辭寵悲團一作班
扇花叢亂數蝶風簾入雙燕徒使春帶賒坐惜紅顏

變平生一顧重宿昔千金賤故人心尚爾故心人不平生抄作生平

見一作故人
心不見

贈王主簿二首

日落窓中坐紅粧好顏色舞衣襞未縫流黃覆不織

蜻蛉草際飛遊蜂花上食一遇長相思願寄連翩翼
清吹要碧玉調絃命綠珠輕歌急綺帶含笑解羅襦
餘曲詎幾許高駕且踟躕徘徊韶景暮惟有洛城隅
同王主簿有所思

佳期期未歸望望下鳴機徘徊東陌上月出行人稀

落日同儀曹煦

參差複殿影氛氲綺羅雜風入天淵池芰荷搖復合
遠聽雀聲聚回望樹陰杳一賞桂尊前寧傷蓬鬢颯
和紀叅軍服散得益

金液稱九轉西山歌五色鍊質乃排雲濯景終不測
雲英亦可餌且駐羲和力能令長卿臥暫故遇真識

新治北窓和何從事

國小暇日多民淳紛務屏闕期清曠開簾候風景
泱泱日照溪團團雲去嶺岩堯蘭棹峻駢闐石路整
池北樹如浮竹外山猶影自來彌弦望一作及君臨
箕頰清文蔚且詠微言超一作怡已領不見城壕側思
君朝夕頃迴丹方在辰何以慰延頸

同羈夜集

積念隔炎涼驪言始今夕已對濁樽酒復此故鄉客
霜月始流砌寒蛸早吟隙幸藉京華遊邊城讌良席
樵采咸共同荆莎聊可藉恐君城闕人安能久松栢

謝宣城詩集卷第四

謝宣城詩集卷第五

奉和隨王殿下

其一

玄冬寂脩夜天圍靜且開
亭皋霜氣愴松宇清風來
高琴時以思幽人多載懷
幸藉汾陽想嶺首正徘徊

其二

高秋夜方靜神居肅且深
閑階塗廣露涼宇澄月陰
嬋娟影池竹踈蕪散風林
淵情協爽節詠言興德音
闇道空已積遷直愧蓬心

其三

愴愴緒風興
祁祁族雲布
嚴氣集高軒
稠陰結寒樹
日月謬論思
朝夕承清豫
徒藉小山文
空揖章臺賦
其四

星回夜未艾
洞房凝遠情
雲陰滿池榭
中月縣高城
喬木含風霧
行鴈飛且鳴
平臺盛文雅
西園富群英
芳慶良永矣
君王嗣德聲
眷此伊洛詠
載懷汾水情
願已非麗則
恭惠奉仁明
觀淄詠已失
憮然愧簪纓

其五

肅景遊清都
脩簪侍蘭室
累榭踈遠風
廣庭麗朝日
穆穆神儀靜
愔愔道言密
一飡繫靈表
無吝科年曆

待抄作

其六

神心遺魏闕
冲想顧汾陽
肅景懷辰豫
捐玦翦山楊
時惟清夏始
雲景曖含芳
月陰洞野色
日華麗池光
草合亭皋遠
霞生川路長
端坐聞鶴引
靜瑟愴復傷
懷哉泉石思
歌詠鬱瑤相
塘春多迭駕
言從伊與商
衮職眷英覽
獨善伊何忘
願輟東都遠
弘道待云梁

其七

清房洞已靜閑風伊夜來雲生樹陰遠軒廣月容開
宴私移燭飲遊賞藉琴臺風猷冠淄鄴衽烏愧唐枚

其八

方池含積水明流皎如鏡規荷承日泣影鱗與風泳
上善叶淵心止川測動性幸是芳春來側點游濠盛

其九

浮雲西北起飛來下高堂合散輕帷表飄舞桂臺陽
遙階收委羽平池如夜光眷言金玉照顧慚蘭蕙芳

其十

睿心重離折歧路清江隈四面寒飈舉千里白雲來
川長別管思地迥翻旗回還願昭陽闕超遠章華臺
置酒巫山日為君停玉柅

折近刻
作析

十一

桂樓飛絕限超遠向江歧輕雲霽廣甸微風散清漪
連連絕鴈舉眇眇青煙移巖城亂芸草霜塘凋素枝
氣爽深遙矚豫永聊停曦印一作已終可悅盈思且
若斯

十二

炎光缺風雅宗霸極時淪龍德待雲霧令圖方再晨
歲遠荒城思霜華宿草陳英威遽如是徘徊歧路人

十三

念深冲照廣業闡清化玄端儀穆金殿教藻瓊筵
船湛輕惟藹磬轉芳風旋卷轡栖道樹方津棹法舩
歸興憑大造昭塗良易筌

抄同關

十四

分悲玉瑟斷別緒金樽傾風入芳帷散釭華蘭殿明
想折中園草共知千里情行雲故鄉色贈子一離聲

十五

年華豫已滌夜艾賞方融新萍時合水弱草未勝風
閨幽瑟易響臺迴月難中春物廣餘照蘭萱佩未窮

十六

連漪映餘雪嚴城限深霧清寒起洞門東風急池樹
神居望已肅徘徊舉冲趣栖歸如歸詠丘山不可屢

詠風

徘徊發紅萼歲蕤動綠旒垂楊低復舉新萍合且離
步檐行袖靡當戶思衿披高響飄歌吹相思子未知

時拂孤鸞鏡星鬢視參差

詠竹

前窓一叢竹青翠獨言竒南條交北葉新筍雜故枝
月光踈已密風來起復垂青扈飛不礙黃口得相窺
但恨從風籜根株長別離

詠薔薇

低枝詎勝葉輕香幸自通發萼初攢紫餘采尚霏紅
新花對白日故蘂逐行風參差不俱曜誰肯盼微叢

詠蒲

離離水上蒲結水散為珠閒厠秋菡萏出入春鳧雛

初萌實雕俎暮葢雜椒塗所悲堂上曲遂鑠黃金軀

堂近刺作塘

詠鬼絲

輕絲既難理細縷竟無織爛熳已萬條連綿復一色
安根不可知縈心終不測所貴能卷舒伊用蓬生直

詠落梅

新葉初冉冉初蕊新霏霏逢君後園讌相隨巧笑歸
親勞君玉指摘以贈南威用持插雲髻翡翠比光輝
日暮長零落君恩不可追

遊東堂詠桐

孤桐北窓外高枝百尺餘葉生既婀娜葉落更扶踈
無華復無實何以贈離居裁為圭與瑞足可命參墟
詠牆北梔子

有美當階樹霜露未能移金蕢發朱采映日以離離
幸賴夕陽下餘景及西枝還思照淶水君階無曲池
餘榮未能已晚實猶見竒復留傾筐德君恩信未貲

同詠樂器

琵琶

王融

抱月如可明懷風殊復清絲中傳意緒花裡寄春情
掩抑有竒態淒鏘多好聲芳袖幸時拂龍門空自生

箎

沈約

江南簫管地妙響發孫枝殷勤寄玉指含情舉復垂
雕梁再三繞輕塵四五移曲中有深意丹誠君詎知

琴

洞庭風雨榦龍門生死枝雕刻紛布濩冲嚮鬱清危
一作春風搖蕙綺一作草秋月滿華池是時操別鶴淫
淫客淚垂

同詠坐上器玩

竹檳榔盤

沈約

梢風有勁質柔用道非一平織方以文穹成圓且密
薦羞雖百品所貴浮天實幸承歡醕餘寧辭嘉宴畢

烏皮隱几

蟠木生附枝剌削豈無施取則龍文鼎三趾獻光儀
勿言素韋潔白沙尚推移曲躬奉微用聊承終宴疲

同詠坐上所見一物

幔

王融

幸得與珠綴幕歷君之楹月映不辭卷風來輒自輕
每聚金爐氣時駐玉琴聲但願置樽酒蘭缸當夜明

簾

虞炎

青軒明月時紫殿秋風日曛曠引光輝曖映容質
清露依檐垂蛸絲當戶密寒開誰共臨掩晦獨如失

席

柳惔

照日汀洲際搖風綠潭側雖無獨壘絲幸有青袍色
羅袖少輕塵象牀多麗飾願君蘭夜飲佳人時宴息

同前

本生朝夕池落景照參差汀洲蔽杜若幽渚奪江籬
遇君時採擷玉座奉金卮但願羅衣拂無使素塵彌

詠竹火籠

沈約

結根終南下防露復披雲雖為九華扇聊可滌炎氛
安能偶孤白鶴卵織成文覆持鴛鴦被百和吐氛氲
忽為織手用歲暮待羅裙

同前

庭雪亂如花井水粲成玉因炎入貂袖懷溫奉芳褥
體密用宜通文邪性非曲本自江南墟媿娟脩且綠

暫承君王指請謝陽春旭

詠鏡臺

玲瓏類丹檻茗亭似玄闕對鳳懸清水垂龍挂明月
照粉拂紅粧插花理雲髮玉顏徒自見常畏君情歇

詠燈

發翠斜溪裏蓄寶宕山峰抽莖類僂掌銜光似燭龍
飛蛾再三繞輕花四五重孤對樹一作相思夕空照舞
衣縫

詠燭

杏梁賓未散桂宮明欲沉暖色輕帷裡低光照寶琴
徘徊雲髻影灼爍綺疏金恨君秋月夜遺我洞房陰
疑當作
的爍

詠邯鄲故才人嫁為廝養卒婦

生平宮閣裏出入侍丹墀開筍方羅縠窺鏡比蛾眉
初別意未解去久日生悲顛顛不自識嬌羞餘故姿
夢中忽彷彿猶言承讌私

詠溪鵝

蕙草含初芳瑤池暖晚色得廁鴻鸞影晞光弄羽翼

聯句

阻雪

積雪皓陰池北風鳴細枝九達密如繡何為遠別離

眺風庭舞流霰冰沼結文澌飲春離以燠欽賢紛若

馳江秀才革珠才靈條間響玉雷檐下垂杯酒不相接寸心

良共知王丞融王丞飛雲亂無緒結冰明曲池雖乖促席讌

白首信勿虧王蘭陵僧孺飄素瑩簷溜巖結噎通歧罇壘

如未澣况乃限音儀謝洗馬吳原隰望徙倚松筠竟不移

隱憂恧萱樹忘懷待山巵謝郎中緩初昕逸翮舉日昃駑

馬疲幽山有桂樹歲暮方參差沈右率約

還塗臨渚

淶水纈清波青山繡芳質落景皎晚陰殘花綺餘日
何從白沙澹無際青山眇如一傷此物運移惆悵望
還律郎白水田外明孤頂松上出即趣佳可淹淹留
非下秩府君遙和

紀功曹中園

蘭庭仰遠風芳林接雲嶸傾葉順清颯脩莖佇高鶴
何從連綿夕雲歸掩曖日將落寸陰不可留蘭墀豈
停酌吳郎丹櫻猶照樹綠筠方解籜求志能兩忘即賞

謝丘壑君府

閑坐

雨洗花葉鮮泉漫芳塘溢藉此閑賦詩聊用蕩羈疾
陳霖霖微雨散歲蕤蕙草密預籍芳筵賞沾生信昭
郎紀功紫葵窗外舒青荷池上出既闔潁川扇且卧
悉曹晏淮南秩君府流風薄晚陰行雲掩朝日念此蘭蕙客徒
有芳菲質何從事

侍筵西堂落日望鄉

沉病已綿緒一作負官別鄉憂高城悽夕吹時見國

煙浮曹丞漠漠輕雲晚颯颯高樹秋鄉山不可望蘭卮

且獻酬君府旻高識氣迥泉停知潦收幸遇慶延渥方

且一作沐恩猷紀功曹晏芸黃先露早騷瑟一作驚暮秋

舊城望已肅况乃客悠悠何從

祀敬亭山春雨

水府衆靈出石室寶圖開白雲帝鄉下行雨巫山來

府歌風讚靈德舞蹈起輕埃高軒乍留吹玄羽或徘徊

何從福降群仙下識逸百神談青鳥飛層隙赤鯉

泳瀾隈齊舉

往敬亭路中

山中芳杜綠江南蓮葉紫芳年不共遊淹留空若是

府渌水豐漣漪青山多繡綺新條日向抽落花紛已

委何從弱蘂既青翠輕莎方霍靡鷺鴉沒而遊麇麇

騰復倚齊舉春岼望沉沉清流見瀾瀾幸藉人外遊

盤桓未能徙陳驚柰把瓊芳隨山訪靈詭榮楯每嶙

岫林堂多碕礧府君

謝宣城詩集卷第五終

康熙庚寅二月借義門師處

校正宣城詩集手錄一冊

香岩小隱蔣杲

咸豐二年二月二十日湖州書友持來汲古閣影宋鈔本
索價二千四百還之檢此書下方所稱鈔本及日鈔本皆汲
古本此書鈔與日鈔之異稱又不知何說汲古本未有跋勿
也應陸

此書於咸豐七年八月得之蘄州世經堂書友張姓



